

Et maintenant la Saincteté de Nostre Sainct Pere Paul V. faict bastir en ladicte Eglise de S. Marie Maieur vne chapelle fort somptueuse, vis a vis a celle du Pape Sixte V. d'heureuse memoire, en laquelle se placera la mesme image de Saincte Marie Maieur peinte par S. Luc, & desia cōprend ont des fondementz, & des murailles, qu'elle ne fera pas moins belle, ny de moindre despence, que celle de Sixte. De plus S.S. a faict en ladicte Eglise fabriquer de nouveau vne tresbelle Sacristie, & tresbien compartie, & avec vn bel'ordre ornee de pierres entaillees, & de merueilleuse Architecture: de ceste Eglise est Archiprestre le Cardinal Pinelli.

LA CINQVIÈME EGLISE

est S. Laurens hors des murs.

Sainct Laurens est quasi vn mille hors de Rome, au chemin de Tiuoli, & fut bastie par Constantin le grand, qui y fit après present d'vne lampe d'or de 20. liures, & de dix d'argent, de 15. liures l'vne: Le Cardinal Oliuier Carrafa l'orna de beaucoup, & diuers beaux marbres, & d'vn tres beau plancher doré. La station y est le Dimanche 3. auant Carefme prenant, le troisieme Dimanche de Quaresme, le Mercredy d'après Pâques, & le Ieudy d'après la Pentecoste, le iour de S. Laurens, & de S. Estienne, & toute son octaue, on y gagne cent ans, & autant de quatantenes d'Indulgence, & la remission de la troisieme partie des pechéz, & le iour de l'Inuention de S. Estienne, & celuy de sa feste, en ladicte Eglise sont les statiōs, ou l'on acquiere l'entiere remission des pechéz, outre les susdictes indulgēces. Et quiconque estant confessé, & contrit entrera par la porte qui est dans la court de la dicte Eglise, & s'en ira vers le Crucifix qui est sous les porches, & vers celuy qui est sur l'autel en face de ladicte porte, obtiendra la remission de ses pechéz. Et qui visitera la dicte Eglise tous les Mercredys d'vn'an suyuant, deliurera vne ame des peines du purgatoire, & le mesme fera, quiconque celebrera, ou fera celebrer Messe en ceste petite Chapelle, qui est sous terre, ou est le cimetiere de Ciriaque, & tous les iours il y a sept centz ans, & quarante huiēt d'Indulgence, & aultant de quatantenes, & la remission de la troisieme partie des pechez. Là sont les corps de s. Laurens, & s. Estienne premier martyr, & vne pierre, de celles dont il fut lapidé, la pierre sur laquelle fut